

Акафист Пресвятей Богородице в честь Ея иконы, именуемая «Ярославская»

Кондак 1

Взбранной Воеводе и Всемилостивой Владычице нашей Богородице похвальное приносим пение и с верою на Ярославскую Ея икону взирающе, умильно глаголем: О, Пречистая Деве, услыши сие моление наше и даруй нам разумение, яко достойно похвалити Тя, да просвещеннии благодатию, воспойм Тебе сие:

Радуйся, Всерадостная Царице, благодатию сердца наша возвеселяющая.

Икос 1

Ангельское приветствие божественного Гавриила с Небеси Тебе приносимое, бысть достойно славити Тя, превысшую светлостей солнечных, Свет Превечный миру даровавшую. Нам же, грешным, удобнее есть молчание, обаче за милость Твою, на ны изливаю, вси роди родов поем Ти:

Радуйся, Небесэ и земли Царице;
радуйся, Богоблаженная Отроковице.
Радуйся, Таин Божиих Сокровище;
радуйся, Духа Святаго Приятелище.
Радуйся, Бога на руку Твоею носившая;
радуйся, девическим млеко́м Творца всех пита́вшая.
Радуйся, Невесто Богоизбранная;
радуйся, Приснодево Преславная.
Радуйся, врагов невидимых побеждающая;
радуйся, в страх и трепет я повергающая.
Радуйся, всех верных упование;
радуйся, душ наших спасение.

Радуйся, Всерадостная Царице, благодатию сердца наша возвеселяющая.



Конда́к 2

Ви́дяще́ любо́вь Твою́ к роду́ челове́ческому и моли́твенное предста́тельство за ны, грешны́я, к Сы́ну Твоему́ и Бо́гу нашему́ Го́споду Иису́су Христу́, благода́рени́е прино́сим Ти, Пречи́стая Богоро́дице, Сы́ну же Твоему́, спаса́ющему нас от поги́бели ве́чныя, с любовью́ поём:
Аллилу́иа.

И́кос 2

Ра́зумом Божество́нным просвеща́еми, святи́и благове́рнии князи Васи́лий и Константи́н, пресла́вныя чудотво́рцы, ико́ну Твою́ пречестную́ из гра́да Ки́ева в Яросла́вль принесо́ста и с че́стием во Успе́нском соборе́ постави́ста. К ней же с ве́рою припа́даем, и Тебе́, Пресвята́я Богоро́дице, похва́льная воспису́ем:

Ра́дуйся, род христиа́нский возлюбившая;

ра́дуйся, Яросла́вскую ико́ну нам дарова́вшая.

Ра́дуйся, не то́чию Ки́ев, о́баче и град Яросла́вль под Покро́в Свой прии́мшая;

ра́дуйся, гра́ду сему́ велию́ ми́лость явившая.

Ра́дуйся, Це́ркви сла́во и утвержде́ние;

ра́дуйся, страны́ наша́ кре́пкое заступле́ние.

Ра́дуйся, отча́янных и ско́рбных ве́лие утеше́ние;

ра́дуйся, грешников призыва́ющая ко исправле́нию.

Ра́дуйся, всех пра́ведно живу́щих Небе́сная Отра́до;

ра́дуйся, в по́двизех пребыва́ющих несказа́нная награ́до.

Ра́дуйся, а́нгельских лико́в пресве́тлое ра́дование;

ра́дуйся, князе́й возду́шных плач и се́тование.

Ра́дуйся, Всера́достная Цари́це, благода́тию сердца́ наша́ возвеселя́ющая.

Конда́к 3

Си́ла Божия́ и благода́ть Свята́го Ду́ха во ико́нех Твои́х пребыва́ет, посе́му к Яросла́встей ико́не Твое́й со умиле́нием и сокруше́нием серде́чным припада́ющи с ве́рою ю́ лобыза́ют, и с ра́достью духо́вною на

пресвѣтлый лик Твой взирающе, воспевают Бóгу: Аллилу́иа.

Їкос 3

И́муще ве́ру крѣпкую и несумнѣнную, святѣи благовернѣи князи ико́ну Твою́ пречестную́ в Яросла́вскую зе́млю принесоста и во благослове́ние нам ю́ дароваста. Мы же Тя благоче́стне почитающе, крѣтце на всеми́лостивый лик Твой, с Богомладѣ́нцем на руку́ Твоею́ сидящим, взирающе, воспева́ем Тебе́ сицевая́:

Ра́дуйся, прѣсная Небожи́тельнице;

ра́дуйся, вѣчная на́ша Покрови́тельнице.

Ра́дуйся, а́нгелов Небе́сных всера́достное зрѣние;

ра́дуйся, челове́ков сла́во и похваление.

Ра́дуйся, я́ко си́ла Бо́жия во ико́нѣх Твои́х пребыва́ет;

ра́дуйся, я́ко Ду́х Святы́й незрѣимо в них почива́ет.

Ра́дуйся, больны́м подаю́щая исцелѣ́ние;

ра́дуйся, скорбя́щим да́рующая утешѣ́ние.

Ра́дуйся, благода́ти сокрови́ще неисто́щимое;

ра́дуйся, Сы́на Бо́жия жили́ще неудобозрѣ́мое.

Ра́дуйся, чудѣс Христо́вых нача́ло;

ра́дуйся, спасѣ́ния на́шего главѣ́зно.

Ра́дуйся, Всера́достная Цари́це, благода́тию сердца́ на́ша возвеселя́ющая.

Конда́к 4

Бу́рею скорбе́й и напа́стей житѣ́йских одолева́емии, ещѣ́ же и невидимых враго́в стрѣ́лами страсте́й зело́ уязвля́емии, ниотку́ду надее́мся по́мощи уллучи́ти, то́кмо на Тя упова́ние возложѣ́вше, и ко ико́не Твое́й честне́й припада́юще, с любѣ́вию поём Сы́ну Твоему́ и Бóгу: Аллилу́иа.

Їкос 4

Слы́шаша о пребыва́нии во гра́де дѣ́внаго о́браза Твоего́, Пресвята́я Богоро́дице, яросла́встии лю́дие ве́рою и наде́ждою во Успенский храм притеко́ша, и ико́не Твое́й с благоговѣ́нием поклонѣ́шася, Преблагослове́нная Богоро́дице, вопи́юще Тебе́ сицевая́:



Ра́дуйся, Преблагословенная Ма́ти Бо́га Вы́шняго;
ра́дуйся, Блага́я Засту́пнице ро́да челове́ческаго.
Ра́дуйся, ико́ною Твое́ю во Успене́м хра́ме пребыва́ющая;
ра́дуйся, христиа́ны от поги́бели ве́чныя спаса́ющая.
Ра́дуйся, от бурь жите́йских т́хое приста́нище;
ра́дуйся, от ко́зней вра́жиих стра́ждущим прибёжище.
Ра́дуйся, моля́щихся Тебе́ ве́рное услы́шание;
ра́дуйся, недугу́ющих ско́рое исцелёние.
Ра́дуйся, чудес реко́ приснотеку́щая;
ра́дуйся, благодáти исто́чник неоскудева́ющий.
Ра́дуйся, ни́щих и убо́гих бога́тство неисто́щимое;
ра́дуйся, оби́димых Защи́тнице непобеди́мая.

Ра́дуйся, Всера́достная Цари́це, благодáтию серде́ца на́ша
возвеселя́ющая.

Конда́к 5

Боготе́чней звездé подобна́ святáя Яросла́вская ико́на Твоя́,
Богоро́дице: всем с ве́рою к ней притека́ющим свет Благодáти Христо́вой
присно источáет, мрак грехо́вный серде́ц на́ших разгоня́ет, о́чи на́ша
духо́вныя просвещáет, науча́ющи с любóвию пéти Бо́гу: Аллилу́иа.

И́кос 5

Ви́дящи ико́ну Твою́ чудотво́рную, Пресвятáя Влады́чице Богоро́дице,
се́рдцем умиля́ются, от грехо́в и страсте́й душе́вных и телесных
исцеля́ются, от поро́ков скверных отвраща́ются и всем се́рдцем к Бо́гу
обра́щаются, с любóвию Тебе́ вопию́ще:

Ра́дуйся, звездо, путево́дящая ко спасе́нию;
ра́дуйся, ба́не, грешников очище́ние.
Ра́дуйся, зарé, со́лнце в мир вводя́щая;
ра́дуйся, луно́, во мра́це грехо́внем ве́рным светя́щая.
Ра́дуйся, серде́ц на́ших умиле́ние;
ра́дуйся, заблуждших в ло́но Це́ркви Возвраще́ние.
Ра́дуйся, Све́та Невече́рняго Жили́ще пресла́вное;



ра́дуйся, а́нгельских чино́в Нача́льнице предивная.

Ра́дуйся, на путь и́стины нас наставля́ющая;

ра́дуйся, окаменела́я серде́ца на́ша умягча́ющая.

Ра́дуйся, Цари́це, рясны злата́ми добродете́лей оде́янная;

ра́дуйся, Влади́чице, а́нгельскими пе́ньми просла́вленная.

Ра́дуйся, Всера́достная Цари́це, благода́тию серде́ца на́ша
возвеселя́ющая.

Конда́к 6

Пропове́дуем ве́лие милосе́рдие Бо́жие и Твое́ всемо́щное за ны
ходата́йство к Бо́гу, Преблагослове́ная Ма́ти Де́во, Ты на́ше недосто́йное
молéние приими́ и Сы́ну Твоему́ Единоро́дному вознеси́, да сподо́бит нас
чи́стым се́рдцем в́ину воспева́ти Ему́: Аллилу́иа.

И́кос 6

Воссия́вый свет от ико́ны Твоея́ чудотво́рная всю вселенну́ю
просвещает, благода́тию серде́ца на́ша исполняет, те́мже на по́мощь Твою́
упова́юще, с любóвию к Тебе́, Богома́ти Пресла́вная, притека́ем и
умиле́нным се́рдцем си́це Тебе́ воспева́ем:

Ра́дуйся, ро́да христиа́нского возвыше́ние;

ра́дуйся, Иоакима́ и А́нны при́сное прославлéние.

Ра́дуйся, чадоро́дием непло́ды возвесели́вшая;

ра́дуйся, за долготерпе́ние ти́х награди́вшая.

Ра́дуйся, с Бо́гом на́ше примирéние;

ра́дуйся, всех притека́ющих к Тебе́ ве́рное спасéние.

Ра́дуйся, проро́чества Иса́ина сверше́ние;

ра́дуйся, Сы́на Бо́жия чуде́сное воплоще́ние.

Ра́дуйся, в плач и рыда́ние а́дстии си́лы низверга́ющая;

ра́дуйся, па́че све́та солне́чного сла́вою сия́ющая.

Ра́дуйся, христиа́нских родо́в Воеводо́ непобеди́мая;

ра́дуйся, тверды́не ве́ры несокруши́мая.

Ра́дуйся, Всера́достная Цари́це, благода́тию серде́ца на́ша
возвеселя́ющая.



Конда́к 7

Хотя́щи лю́дем по́мощь Свою́ дарова́ти, Яросла́вскую ико́ну ми́ру яви́ла еси́, и от не́я чудесы́ мно́ги соде́яла еси́, Богома́ти Пречи́стая, град сей от вра́жиих нападéний сохрани́ла еси́ и на Ту́говой горе́ яросла́встей дру́жине побéду дарова́ла еси. Темже мило́сть Твою́ прославля́юще, вси Бо́гу Всеще́дрому с любóвию воспева́ем: Аллилу́иа.

И́кос 7

Но́вое чу́до зрим ны́не, Богоро́дице Де́во, па́ки ико́на Твоя́ чудотво́рная в Яросла́вль возвра́щается и с че́стием в хра́ме Спа́са на Горо́ду водворя́ется. Посему́ ико́ну Твою́ нам явля́емую, я́ко би́сер многоце́нный прие́млем и, я́ко вели́кую святы́ню почита́ем, и Тебе́, я́ко Засту́пнице на́шей, с любóвию воспева́ем:

Ра́дуйся, помо́щнице на́ша преизря́дная;

ра́дуйся, защи́тнице на́ша благослове́нная.

Ра́дуйся, земли́ Яросла́вской щит и ограда́;

ра́дуйся, вражду́ющих на ны́ всемо́щная преграда́.

Ра́дуйся, от ага́рянских нашéствий град сохрани́вшая;

ра́дуйся, побéду христиа́ном на враги́ дарова́вшая.

Ра́дуйся, от враг невидимых нас спаса́ющая;

ра́дуйся, ду́ши на́ша благода́тию очища́ющая.

Ра́дуйся, в Спа́сском хра́ме ико́ною пребыва́ющая;

ра́дуйся, по зе́мли Яросла́встей в крестном хо́де, я́ко Цари́ца, велеле́пно шéствующая.

Ра́дуйся, ико́ною Твое́ю возду́х освяща́ющая;

ра́дуйся, земли́ плодороди́е да́рующая.

Ра́дуйся, Всера́достная Цари́це, благода́тию сердца́ на́ша возвеселя́ющая.

Конда́к 8

Стра́нное жити́е на зе́мли провожда́юще, мы́сленныя о́чи на́ша в Небе́сная устремля́юще, к милосе́рдию Твоему́, Богоро́дице, взыва́ем: испроси́ нам у Го́спода пре́жде конца́ пока́ние, и́мже очища́емии, с

любовию возопийм: Аллилуиа.

Їкос 8

Все житиё наше по Бóзе Тебё, Богорóдице Дево, вверяем и ко всемо́щному Покрóву Твоему́ притека́юще, со слезáми о заступлénии нас, грéшных, Тебё, Влады́чице, умоляем. Испроси́ нам у Гóспода Иисúса Христá сердéц наших умягчénие, от грехóвных недúгов исцелénие, от стра́стных уз разрешénие, да исцелénнии силою Бóжиею, прослáвим Тя, моли́твенницу крéпкую, с любовию пою́ще:

Рáдуйся, Влады́чице, по Бозе все наше упováние;
ра́дуйся, Спорóчнице грéшных и заблúждших Взыскáние.

Рáдуйся, Бóга за ны непрестáнно умоля́ющая;
ра́дуйся, гнев Бóжий на мило́сть нам претворя́ющая.

Рáдуйся, Небéсных благ незави́стная подáтельница;
ра́дуйся, грехóвных язв безмéздная врачевáтельница.

Рáдуйся, обидящих вразумлénие;
ра́дуйся, враждующих примирénие.

Рáдуйся, подви́жников благочéстия в пóдвизех подкрепля́ющая;
ра́дуйся, нечестíво живущих исправля́ющая.

Рáдуйся, ко́зней бесóвских разорénие;
ра́дуйся, пáдших чело́век востáние.

Рáдуйся, Всера́достная Цари́це, благодáтию сердцá наша
возвеселя́ющая.

Конда́к 9

Вся́кую похвалу́ превосхóдит сла́ва Тво́я, Богорóдице Пречи́стая, и вся́кий ум чело́веческий изнемога́ет досто́йно пéти Тя, превы́ше а́нгельских ликóв Христóм Бóгом возвелíченную и, я́ко Цари́цу Небеси́ и земли́ те́ми прославля́емую. Обáче умилосéрдися на ны, грешны́я, и даруй́ нам разумénие возноси́ти хвалу́ Сы́ну и Бóгу Твоему́, пою́ще Е́му: Аллилуиа.

Їкос 9

Ветии́ богоглаго́ливья не возмо́гут всех чудéс, от ико́н Твои́х бывáемых, исчестí и Тя, я́ко Чудотво́рицу предивную досто́йно похвалíти, превосхóдит



бо слава Твоя всяческое слово человеческое. Обаче на Ярославскую икону Твою с верою взирающе, умильно Тебе вопиём:

Радуйся, Небеси и земли Владычице неизменная;
радуйся, к Богу Молитвеннице дерзновенная.

Радуйся, Ходатаице за род христианский благоуспешная;
радуйся, Предстательнице за ны благоутробная.

Радуйся, от бед и обстояний нас спасающая,
радуйся, на мытарствах христианом помогающая.

Радуйся, нечаянная наша Радосте;
радуйся, благодати духовных дарующая сладость.

Радуйся, священное сокровище славы Божия;
радуйся, избавляющая от кумиров и многобожия.

Радуйся, безценный ковчегу Бога Живаго;
радуйся, храму благоукрашенный Духа Святаго.

Радуйся, Всерадостная Царице, благодатию сердца наша
возвеселяющая.

Кондак 10

Спасение людем возвещающи, чудотворныя иконы Твоя по всей вселенней, яко звезды пресветлыя на тверди Церкви Христовой, милостиво явила еси. Тии бо любовь Твою к роду христианскому проповедуют, Царице Небесная, такожде и силу Божию, в них живущую, чудесне являют, научающия всех хвалёбно вопити Богу: Аллилуиа.

Икос 10

Стены твердейше бысть заступление Твое от века всем грешником, егже обykle еси подавати по милосердию Твоему, Пречистая Деву Богородице, тако и ныне нашу немощь посети и души наша спаси, Всеблагая, ещё же и благодатию обогати сердца наша, да возможем невозбранно славити имя Твое святое, со благодарением поюще Тебе сицевая:

Радуйся, сырых и убогих Питательнице;
радуйся, юных чад Воспитательнице.



Ра́дуйся, отроко́в от поро́ков охраня́ющая;
ра́дуйся, ста́рых и немощны́х подкрепля́ющая.
Ра́дуйся, ча́ше злата́я, моли́твеннаго фимиа́ма благоуха́ние;
ра́дуйся, кади́льнице, милосе́рдия благово́ние.
Ра́дуйся, ле́стнице, к Небеси́ приводя́шая;
ра́дуйся, ста́мно, ма́нною небе́сною Животво́рнаго Христа́ нас
насыща́ющая.

Ра́дуйся, же́зле Аро́нов расцвётший;
ра́дуйся, ковче́же, в не́дре Своём Христа́ содержа́щий.
Ра́дуйся, Купино́ Неопали́мая, во чре́ве девическом огонь Божества́
носи́вшая;

ра́дуйся, вочелове́чению Еди́наго от Тро́ицы послужив́шая.

Ра́дуйся, Всера́достная Цари́це, благода́тию сердца́ на́ша
возвеселя́ющая.

Конда́к 11

Пе́ние хвалёбное пред пречи́стым ли́ком Твоём принося́ще, мо́лим Тя,
Богоро́дице Де́во, глас на́ших молéний услы́ши и Бо́гу благоутро́бному
вознеси́, прощéние грехо́в и прегрешéний на́ших во́льных и нево́льных
испроси́, да поми́лует и поста́вит одесну́ю Себе́ в Стра́шный Су́дный день
всех ве́рою Его́ почита́ющих и с любóвию пою́щих: **Аллилу́иа.**

И́кос 11

Светоза́рный лик Твой, с Яросла́вской ико́ны на нас ми́лостиво
взира́ющий, с любóвию лобыза́ем и мо́лим Тя, Пречи́стая Де́во, рук на́ших
дела́ испра́ви, по́мощи на всякое благо́е начинáние испроси́, благода́тию
сердца́ на́ша озари́ и грех, живу́щий в нас, искорени́, да благодарно́ вопи́ем
Ти такова́я:

Ра́дуйся, Храни́тельнице на́ша и утверждéние;

ра́дуйся, ка́ющихся грéшников исправлéние.

Ра́дуйся, чистото́ю Своёю ра́йския сады́ облагоухав́шая;

ра́дуйся, смире́нием Своём род челове́ческий возвесели́вшая.

Ра́дуйся, добродéтелей свято́е вместили́ще;



ра́дуйся, благ духо́вных дѣвное храни́лище.

Ра́дуйся, мятущихся серде́ц умире́ние;

ра́дуйся, волну́ющихся бу́рею страсте́й утеше́ние.

Ра́дуйся, архиере́ев благочестѣ́вых возвыше́ние;

ра́дуйся, священни́ков благоговѣ́йных похвалѣ́ние.

Ра́дуйся, мона́шествующих всеблага́я любите́льнице;

ра́дуйся, в ми́ре живу́щих всеси́льная покрови́тельница.

Ра́дуйся, Всера́достная Цари́це, благода́тию серде́ца́ на́ша
возвеселя́ющая.

Конда́к 12

Благода́ти всечестна́я Яросла́вская Твоя́ ико́на испо́лненная, всякую
по́мощь христоимени́тым лю́дем дару́ет, недужных исцеля́ет, вражду́ющих
прими́ряет, любо́вию серде́ца́ на́ша просветля́ет и благодарѣ́ние
Всемо́гущему Бо́гу приноси́ти на всякий час ве́рных науча́ет, да с любо́вию
прославля́ем и́мя Его́ свято́е, поюще: Аллилу́иа.

И́кос 12

По́ем Твое́ дѣвное к ро́ду челове́ческому благоволе́ние, пра́отцам
на́шим во бране́х вспоможе́ние, от гла́да и мо́ра избавле́ние. Обáче и ны́не
услы́ши на́ше молѣ́ние, Богоро́дице, от враг ви́димых и неви́димых гра́ды и
веси́ на́ша сохрани́ и победы́ на супоста́ты христиа́ном дару́й, да вси
просла́вим Бо́га Вседержи́теля и Тебе́, Всеблагóй на́шей Засту́пнице
благодáрно воспо́им:

Ра́дуйся, Ма́ти Всеблага́я, ро́ду христиа́нскому Бо́гом да́нная;

ра́дуйся, Молѣ́твеннице Всесвята́я за нас к Бо́гу неуста́нная.

Ра́дуйся, апо́стола Иоáнна усыновѣ́вшая;

ра́дуйся, тем ми́лость Божию нам возвестѣ́вшая.

Ра́дуйся, от междоусобны́я брани́ ве́рных охраня́ющая;

ра́дуйся, от враг ви́димых и неви́димых избавля́ющая.

Ра́дуйся, щѣ́те, от стрел лука́вых защища́ющий;

ра́дуйся, мечу́, враго́в неви́димых посека́ющий.

Ра́дуйся, пребы́вающих в молѣ́тве ще́дро награжда́ющая;



ра́дуйся, непреста́нную моли́тву по благода́ти дару́ющая.

Ра́дуйся, во Иерусали́м Го́рний христиа́ны препровождáющая;

ра́дуйся, двéри ра́йския вéрным отверза́ющая.

Ра́дуйся, Всера́достная Цари́це, благода́тию сердца́ наша
возвеселя́ющая.

Конда́к 13

О Всера́достная Цари́це, Преблагословéнная Богороди́це и
Приснодево Пресла́вная! Ты вéчную ра́дость, Го́спода нашего́ Иису́са
Христа́, христиа́н Спаси́теля, челове́ческому ро́ду дарова́ла еси́. Те́мже
мо́лим Тя, пресвётлая наша́ Наде́жда, умоли́ Сы́на Твоего́ Единоро́днаго,
да изба́вит нас от вла́сти греха́, да излиéт нас обильно́ благода́ть Свята́го
Ду́ха, да убелит одéжды душ на́ших со избранными сопричтéт и в ра́йския
обители́ преселит, иде́же вку́пе со святы́ми воспо́им Ему́ вéчно ра́достную
песнь: Аллилу́ия.

Сей конда́к глаго́лется три́жды.

И па́ки чтéтся и́кос 1-й и конда́к 1-й.

Моли́тва

О Пресвята́я Влады́чице наша́ Богороди́це! Ты бо милосéрдием Свои́м
предивную́ Яросла́вскую ико́ну ми́ру дарова́ла еси́, любо́вь Свою́ лю́дем
показу́ючи, и ны́не мо́лим Тя, Преблагословéнная ро́да нашего́ Засту́пнице,
не оста́ви нас грéшных, с véрою и умилéнием на Пречи́стый о́браз Твой
взира́ющих и о по́мощи и заступлени́и Тя умоля́ющих. Вéмы, я́ко мно́го
мо́жет ходата́йство Твое́ пред Сы́ном Твои́м и Го́сподем на́шим Иису́сом
Христо́м. Те́мже мо́лим Тя, недосто́йнии раби́ Твои́, приими́ от нас
возсыла́емое Тебе́ благодарственное́ сие́ хвалéние и Своёю́ любо́вию, я́ко
любвеобильнейшая́ Ма́ти, согрэй хла́дныя сердца́ наша́, умоли́ Свои́м
те́плым предста́тельством ро́ждшагося из Тебе́ Го́спода Бо́га и Спа́са
нашего́ Иису́са Христа́, да простит нам согрешéния наша́ и препоя́шет нас
си́лою Своёю́ свы́ше ко исполнени́ю во́ли его́ Святе́й. Озари́ ду́ши наша́

немерцающим Твоим светом, иже да будет нам, странствующим в земной юдоли жизни сей, путеводителем к Горнему Отечеству, Иерусалиму Небесному, идеже Ты в велицей славе сияеши. Умоли Господа Матерними Твоими молитвами, да сохранит нас от соблазнов и вожделений греховных мира сего, от всех враг видимых и невидимых, да дарует всякому граду и веси обилие благ земных, да оградит миром Церковь Свою, и соделает вся ны наследницы Царствия Своего Небеснаго, идеже вси святии немолчно славят Пресвятую Троицу и Тя, Всемилостивую нашу Заступницу. **Аминь.**

